

清真集



仿元巾箱本

清
真
集

附集外詞一卷



清真集目錄

卷上

春景

瑞龍吟

鐫窻寒

風流子

渡江雲

應天長

荔枝香近

目錄

還京樂

掃地花

解連環

玲瓏四犯

丹鳳吟

滿江紅

瑞鶴仙

西平樂

浪濤沙



憶舊遊

驀山溪

少年遊二音

秋藥香

漁家傲二音

南鄉子

望江南

浣沙溪三音

迎春樂二音

目錄

點絳脣

一落索二音

垂絲釣

夏景

滿庭芳

隔浦蓮近拍

法曲獻仙音

過秦樓

側犯

塞翁吟

蘇幕遮

浣沙溪

四

點絳脣

訴衷情

卷下

秋景

風流子

華胥引

目錄

宴清都

四園竹

齊天樂

木蘭花令

霜葉飛

蕙蘭芳引

塞垣春

丁香結

氏州第一

解蹀躞

少年遊

慶春宮

阮郎歸

點絳脣

夜遊宮

訴衷情

傷情怨

冬景

目錄

紅林擒近

蒲路花

單題

解語花

六么令

吉了犯

大酺

玉燭新

花犯

醜奴兒

水龍吟

六醜

虞美人二

蘭陵王

蝶戀花四

西河

歸去難

三部樂

目錄

菩薩蠻

品令

玉樓春

黃鸝遠碧樹

滿路花

雜賦

綺寮怨

拜星月慢

尉遲盃

遶佛閣

一寸金

蝶戀花

如夢令

月中行

浣沙溪

點絳脣

少年遊

望江南

目錄

意難忘

迎春樂

定風波

紅羅襖

玉樓春

夜飛鵲

早梅芳

鳳來朝

芳草渡

感皇恩
虞美人 三

目錄

七四印齋



清真集卷上

宋 周邦彥 美成

春景

瑞龍吟

大石

章臺路。還見褪粉梅梢，試萼桃樹。愔愔坊陌人家，定巢燕子，歸來舊處。黯凝竚。因念箇人癡小，尠窺門戶。侵晨淺約宮黃障。風映袖盈盈笑語。前度劉郎重到，訪鄰尋里同時歌舞。唯有舊家秋娘，聲價如故。

清真上

一四 印齋

吟牋賦筆猶記蕤臺句。知誰伴、名園露飲東城。閑步事與孤鴻去。探春盡是傷離意緒。官柳低金縷。歸騎晚、纖纖池塘飛雨。斷腸院落一簾風絮。

鐔窻寒

越調

寒食

暗柳啼鴉，單衣竚立，小簾朱戶。桐陰半畝。靜鏤一庭愁兩灑。空階夜闌未休。故人剪燭西窻。語似楚江暝宿。風燈零亂，少年羈旅。遲莫。真嬉遊處。正店舍無煙，禁城百

五旗亭喚酒付與高陽儔侶想東園桃李
自春小唇秀靨今在否到歸時定有殘
英待客携罇俎

風流子

大石

新綠小池塘風簾動碎影舞斜陽羨金屋
去來舊時巢鷺土花繚繞前度葦墻繡
閣裏鳳幃深幾許聽得理絲簧欲說又休
慮乖芳信未歌先咽愁近清觴 遙知
新粧了開朱戶應自待月西廂最苦夢
魂今宵不到伊行問甚時說與佳音密
耗寄將秦鏡偷換韓香天使教人霎時
厮見何妨

渡江雲

小石

晴嵐低楚甸暎迴鴈翼陣勢起平沙驟驚
春在眼借問何時委曲到山家塗香暈色
盛粉飾爭作妍華千萬絲陌頭楊柳漸漸
可藏鴟 堪嗟清江東注盡舸西流指長
安日下愁宴闌風翻旗尾潮濺烏紗今宵

正對初弦月，傍水驛深艤。兼葭沉恨處，時時頻剔燈花。

應天長

商調

寒食

條風布暝霏，霧弄晴池臺。徧滿春色，正是夜堂無月。沉沉暗寒食，梁間燕社前客。似笑我閉門愁寂。亂花過隔院，云香滿地狼籍。長記郵回時，邂逅相逢郊外。駐油壁，又見漢宮傳燭，飛煙五侯宅。青青草迷路陌，強載酒細尋前迹。市橋遠，柳下人

清真上

三四甲齋

家猶自相識

荔枝香近

徵拍

照水殘紅零亂，風喚去盡日。測測輕寒，簾底吹香霧。黃昏客枕無，慇懃響當窻。雨看兩兩相依，燕新乳。樓下水漸綠，遍行舟浦暮。往朝來心，逐片颿輕舉。何日迎門小檻朱籠，報鸚鵡共剪西窻蜜炬。

第二

夜來寒侵酒席，露微泣烏履。初會香澤方

薰無端暗雨催人但怪燈偏簾卷回顧始
覺驚鷺去雲遠大都世間最苦唯聚散
到得春殘看即是開離宴細思別後柳眼
花鬢更誰剪此懷何處消遣

還京樂

大石

禁煙近觸處浮香秀色相料理正泥花時
候柰何客裏光陰虛費望箭波無際迎風
漾日黃雲委任去遠中有萬點相思清淚
到長淮底過當時樓下慇懃爲說春來

清具上

四四印齋

羈旅况味堪嗟悞約乖期向天涯自看桃
李想而今應恨墨盈牋愁粧照水怎得
青鸞翼飛歸教見顛顛

掃地花

雙文調

曉陰翳日正霧靄煙橫遠迷平楚暗黃萬
縷聽鳴禽按曲小腰欲舞細遶回堤駐馬
河橋避雨信流去一葉怨題今到何處
春事能幾許任占地持盃掃花尋路淚珠
濺俎嘆將愁度日病傷幽素恨入金徽見

說文君更苦黯凝竚掩重關徧城鍾鼓

解連環

商調

怨懷無託嗟情人斷絕信音遠邈信妙手
能解連環似風散雨收霧輕雲薄燕子樓
空暗塵鐮一牀絃索想移根換葉盡是舊
時手種紅藥汀洲漸生杜若料舟依岸
曲人在天角謾記得當日音書把閑語閑
言待恁燒却水驛春回望寄我江南梅萼
拚今生對花對酒爲伊淚落

清真上

五四印齋

玲瓏四犯

大石

穠李天桃是舊日潘郎親試春艷自別河
陽長負露房煙臉顛頰鬢點吳霜念想
夢竟飛亂嘆盡闌玉砌都換纔始有緣
重見夜深偷展香羅簾暗窻前醉眠
葱菴浮花浪蘂都相識誰更曾擡眼休問
舊色舊香但認取芳心一點又片時一陣風
雨惡吹分散

丹鳳吟

越調

迤邐春光無賴翠藻翻池黃蜂遊閣朝來
風暴飛絮亂投簾幙生憎暮景倚牆臨岸
杏靨天斜榆錢輕薄晝永惟思傍枕睡起
無慘殘照猶在亭角 况是別離氣味坐
來但覺心緒惡痛引澆愁酒柰愁濃如酒
無計消鑠那堪昏暝藪藪半簷花落弄粉
調朱柔素手問何時重握此時此意生怕
人道著

滿江紅

仙呂

清真上

六四印齋

晝日移陰攬衣起春帷睡足臨寶鑑綠雲
撩亂未忺裝束蝶粉蜂黃都褪了枕痕一
線紅生肉背盡欄脉脉悄無言尋禁局
重會面猶未卜無限事縈心曲想秦箏依
舊尙鳴金屋芳草連天迷遠望寶香薰
被成孤宿最苦是蝴蝶滿園飛無人撲

瑞鶴仙

仙呂

悄郊原帶郭行路未客去車塵漠漠斜陽
映山落斂餘紅猶戀孤城欄角凌波步弱

過短亭何用素約有流鶯勸我重解繡鞍
緩引春酌不記歸時早暮上馬誰扶醒
眠朱閣驚颺動幙扶殘醉遶紅藥嘆西園
已是花深無地東風何事又惡任流光過
却猶喜洞天自樂

西平樂

小石

元豐初予以布

衣西上過天長道中後四十
餘年辛丑正月避賊復遊故
地感嘆歲月偶成此詞

清真上

七四印齋

穉柳蘇晴故溪歇雨川迥未覺春賒駝褐
寒侵正冷初日輕陰抵死須遮嘆事逐孤
鴻盡去身與塘蒲共晚爭知向此征途迢
遞竚立塵沙追念朱顏翠髮曾到處故地
使人嗟道連三楚天低四野喬木依前
臨路欹斜重慕想東陵晦迹彭澤歸來
左右琴書自樂松菊相依何況風流鬢未
華多謝故人親馳鄭驛時倒醺尊勸此淹
留共過芳時翻令倦客思家

浪濤沙

商調

曉陰重霜凋岸草霧隱城堞南陌脂車
待發東門帳飲乍闌正拂面垂楊堪纜結
掩紅淚玉手親折念漢浦離鴻去何許經
時信音絕 情切望中地遠天闊向露冷
風清無人處耿耿寒漏咽嗟萬事難忘唯
是輕別翠尊未竭憑斷雲留取西樓殘
月羅帶光銷紋衾疊連環解舊香頓歇
怨歌永瓊壺鼓盡缺恨春去不與人期弄
清真上

八四印齋

夜色空餘滿地利花雪

憶舊遊

賦調

記愁橫淺黛淚洗紅鈿門掩秋宵墜葉驚
離思聽寒螿夜泣亂雨瀟瀟鳳釵半脫雲
鬢窸影燭花搖漸暗竹敲涼踈螢照晚兩
地寬銷 迢迢問音信道徑底花陰時認
鳴鏢也擬臨朱戶嘆因郎顚顚羞見郎招
舊巢更有新燕楊柳拂河橋但滿目京
塵東風竟日吹露桃

驀山溪

大石

湖平春水菱苕縈舳尾空翠入衣襟拊
輕根遊魚驚避晚來潮上迤邐沒沙痕山
四倚雲漸起鳥度屏風裏周郎逸興
黃帽侵雲水落日媚滄洲泛一棹夷猶未
已玉簫金管不共美人遊因箇甚烟霧底
偏愛尊羹美

少年遊

黃鐘

荊州作

南都石黛掃晴山衣薄耐朝寒一夕東風

清真上

九四印齋

海棠花謝樓上捲簾看而今麗日明如
洗南陌暖雕鞍舊賞園林喜無風雨春
鳥報平安

第二

朝雲漠漠散輕絲樓閣淡春姿柳泣花啼
九街泥重門外燕飛遲而今麗日明金
屋春色在桃枝不似當時小樓衝雨幽恨
兩人知

秋蕊香

雙調

乳鴨池塘水暖風緊柳花迎面午粧粉指
印窻眼曲裏長眉翠淺問知社日停針
線探新燕寶釵落枕春夢遠簾影參差
滿院

漁家傲



灰暖香融銷永晝蒲萄架上春藤秀曲角
欄干羣雀鬪清明後風梳萬縷亭前柳
日照欽梁光欲溜循階竹粉沾衣袖拂拂
面紅新著酒沉吟久昨宵正是來時候

清具二

十四印齋

第二

幾日輕陰寒測測東風急處花成積醉踏
陽春懷故國歸未得黃鸝久住如相識
賴有蛾眉能暖客長歌屢勸金盃側歌罷
月痕來照席貪歡適簾前重露成涓滴

南鄉子



晨色動粧樓短燭熒熒悄未收自在開簾
風不定颼颼池面水漸趁水流早起怯
梳頭欲縮雲鬢又却休不會沈吟思底事

凝眸兩點春山滿鏡愁

望江南

人石

遊妓散獨自遶回堤芳草懷煙迷水曲密
雲銜雨暗城西九陌未霑泥 桃李下春
晚未成蹊牆外見花尋路轉柳陰行馬過
鶯啼無處不悽悽

浣沙溪

世鍾

爭挽桐花兩鬢垂小粧弄影照清池出
簾踏襪趁蜂兒跳脫添金雙腕重琵琶
撥盡四絃悲夜寒誰肯剪春衣

清真上

十四印齋

第二

雨過殘紅溼未飛珠簾一行透斜暉遊蜂
釀蜜竊香歸金屋無人風竹亂夜篝盡
日水沉微一春須有憶人時

第三

樓上晴天碧四垂樓前芳草接天涯勸
君莫上最高梯新筍已成堂下竹落花都
上燕巢泥忍聽林表杜鵑啼

迎春樂

雙及調

清池小圃開雲屋結春伴往來熟憶年時
縱酒盃行速看月上歸禽宿 牆裏修篁
森似束記名字曾刊新綠見說別來長
公翠蘚封寒玉

第二

桃蹊柳曲閑蹤跡俱曾是大堤客解春衣
貰酒城南陌頻醉卧胡姬側 鬢點吳霜
嗟早白更誰念玉溪消息他日水雲身相

清真上

十四 卯齋

望處無南北

點絳脣

仙呂

臺上披襟快風一瞬收殘雨柳絲輕舉蛛
網粘飛絮 極目平蕪應是春歸處愁凝
竚楚歌聲苦村落黃昏鼓

一落索

雙調

眉共春山爭秀可憐長皺莫將清淚濕
花枝恐花也如人瘦 清潤玉簫閑久知
音稀有欲知日日倚欄愁但問取亭前柳

第二

杜宇思歸聲苦和春催去倚欄一霎酒旗
風任撲面桃花雨 目斷隴雲江樹難逢
尺素落霞隱隱日平西料想是分携處

垂絲釣

商調

縷金翠羽粧成纔見眉嫵倦倚綉簾看
舞風絮愁幾許寄鳳絲鴈柱 春將暮
向層城苑路鈿車似水時時花徑相遇舊
遊伴侶還到曾來處門掩風和雨梁燕語

清真上

七三四印齋

問邨人在否

夏景

滿庭芳

甲中

夏日漂水無想

山作

風老鶯雛兩肥梅子午陰嘉樹清圓地卑
山近衣潤費鑪煙人靜鳥翥自樂小橋外
新綠濺濺凭欄久黃蘆苦竹擬泛九江舡
年年如社燕飄流瀚海來寄脩椽且莫
思身外長近尊前顛顚江南倦客不堪

聽急管繅絃歌筵畔先安簟枕容我醉
時眠

隔浦蓮近拍

大石

中山縣圃

姑射亭避暑作

新篁搖動翠葆曲徑通深窈夏果收新脆
金丸落驚飛鳥濃靄迷岸草蛙聲鬧驟
雨鳴池沼 水亭小浮萍破處蘆花簷影
顛倒綸巾羽扇困卧北窻清曉屏裏吳山
夢自到驚覺依然身在江表

清真上

西四印齋

法曲獻仙音

大石

蟬咽涼柯燕飛塵幙漏閣籤聲時度倦
脫綸巾困便湘竹桐陰半侵朱戶向抱影
凝情處時聞打窻雨 耿無語歎文園近
來多病情緒嬾尊酒易成間阻縹緲玉京
人想依然京兆眉嬾翠幙深中對微容空
在紉素待花前月下見了不教歸去

過秦樓

大石

水浴清蟾葉喧涼吹巷陌馬聲初斷閑依

露井咲撲流螢卷破畫羅輕扇人靜夜
久凭闌愁不歸眠立殘更箭嘆年華一瞬
人今千里夢沉書遠空見說鬢怯瓊梳
容銷金鏡漸懶趁時勻染梅風地溽虹雨
苔滋一架舞紅都變誰信無慘爲伊才減江
淹情傷首倩但明河影下還看稀星數點

側犯

六

暮霞霽齊雨小蓮出水紅粧靚風定看步
襪江妃照明鏡飛螢度暗草秉燭遊花

清真上

五十四印齋

徑人靜携艷質追涼就槐影金環皓腕
雪藕清泉瑩誰念省滿身香猶是舊首
今見說胡姬酒壚寂靜煙鎖漠漠藻池
苔井

塞翁吟

六

暗葉啼風雨牕外曉色瓏璵散水麝小池
東亂一岸芙蓉蘄州簾展雙紋浪輕帳
翠縷如空夢口遠別淚痕重淡鈿臉斜紅
忡嗟顚顚新寬帶結羞艷冶都銷鏡

中有蜀紙堪憑寄，恨等今夜灑血書詞。剪燭親封，喜蒲漸老，早晚成花。教見薰風。

蘇幕遮

嚴步

燎沉香，消溽暑。鳥雀呼晴，侵曉窺簷語。葉上初陽乾宿雨，水面清圓，一一風荷舉。

故鄉遙何日去，家住吳門久，作長安旅。五月漁郎相憶否，小楫輕舟，夢入芙蓉浦。

浣沙溪

日射欹紅蠓，帶香風。乾微汗粉襟涼，碧紗對掩，篔紋光。自剪柳枝明畫閣，戲拋蓮

清真上

十六四印齋

箭，種橫塘。長亭無事好思量。

第二

翠葆參差竹徑成，新荷跳雨，淚珠傾。曲欄斜轉小池亭，風約簾衣歸燕急，水搖扇影戲魚驚。柳梢殘日弄微晴。

第三

薄薄紗幮望似空，篔紋如水浸芙蓉。起來嬌眼未惺惚，強整羅衣擡皓腕，更將紉

扇掩酥冑羞郎何事面微紅

第四

寶扇輕圓淺畫繒象床平穩細穿藤飛
蠅不到避壺水翠枕面涼頻憶睡玉簫
手汗錯成聲日長無力要人凭

點絳脣

征騎初停酒行莫放離歌舉柳汀蓮浦
看盡江南路苦恨斜陽冉冉催人去空
回顧淡煙橫素不見揚鞭處

清真上

訴衷情

出林杏子落金盤齒軟怕嘗酸可惜半
殘青紫猶印小唇丹南陌上落花閑雨
斑斑不言不語一段傷春都在眉間

清真集卷上終

清真集卷下

秋景

風流子

楓林凋晚葉關河迥楚客慄將歸望二川
暝靄鴈聲哀怨半規涼月人影參差酒醒
後淚花銷鳳蠟風幕卷金泥砧杵韻高喚
回殘夢綺羅香減牽起餘悲 亭臯分襟
地難拚處偏是掩面牽衣何況怨懷長結
重見無期想寄恨書中銀鈎空滿斷腸

清真下

一四印齋

聲裏玉筩還垂多少暗愁密意唯有天知

華胥引

賞鐘

秋思

川原澄映煙月冥濛去舟如葉岸足沙平
蒲根水冷留鴈唳別有孤角吟秋對曉風
鳴軋紅日三竿醉頭扶起還怯 離思相
縈漸看看鬢絲堪鑷舞衫歌扇何人輕
伶細闕點檢從前思愛鳳牋盈篋愁剪燈
花夜來和淚雙疊

宴清都

中呂

地僻無鍾鼓，殘燈滅夜長。人倦難度寒，吹
斷梗風翻。暗雪灑，惚填戶。宿鴻謾說傳書
筭，過盡千儔萬侶，始信得庾信愁多。江淹
恨極須賦。淒涼病損文園，微絃下拂音
韻。先苦淮山夜月，金城暮草，夢魂飛去秋
霜半入清鏡。嘆帶眼都移舊處，更久長不
見文君歸時，認否。

四園竹

官本作西園竹

小石

浮雲護月未放滿，朱扉鼠搖暗壁。螢度破
清真下

三四 卽齊

慙偷入書幃，秋意濃閑竚。立庭柯影裏，好
風襟袖先知。夜何其，江南路繞重山心
知謾與前期柰，向燈前墮淚腸斷。蕭娘舊
日書辭，猶在紙。鴈信絕，清宵夢又稀。

齊天樂

正宮

秋思

綠蕪凋盡，臺城路，殊鄉又逢秋晚。暮雨生
寒，鳴蛩勸織深閣，時聞裁剪。雲牕靜掩
嘆重拂羅裯，頓踈花簾，尚有練囊露螢
清夜照書卷。荆江留滯最久，故人相望

處離思何限渭水西風長安亂葉空憶詩
情宛轉凭高眺遠正玉液新筍蟹螯初薦
醉倒山翁但愁斜照斂

木蘭花令

四

暮秋餞別

郊原雨過金英秀風掃霜威寒入袖感君
一曲斷腸歌勸我十分和淚酒 古道塵
清榆柳瘦繫馬郵亭人散後今宵燈盡
酒醒時可惜朱顏成皓首

霜葉飛

大石

清真下

三四甲齋

露迷衰草踈星掛涼蟾低下林表素娥
青女鬪嬋娟正倍添悽悄漸颯颯丹楓撼
曉橫天雲浪魚鱗小似故人相看又透入清
輝半餉特地留照 迢遞望極關山波穿
千里度日如歲難到鳳樓今夜聽秋風奈
五更愁抱想玉匣哀絃閉了無心重理相
思調見皓月牽離恨屏掩孤顰淚流多少

蕙蘭芳引

仙呂

寒瑩晚空點青鏡斷霞孤鶩對客館深

扁霜草未衰更綠倦遊厭旅但夢遶阿
嬌金屋想故人別後盡日空疑風竹塞北
艷旣江南圖障是處溫燠更花管雲牋猶
寫寄情舊曲音塵迢迢但勞遠目今夜
長爭柰枕單人獨

塞垣春

六

暮色分平野傍葦岸征帆卸煙村極浦樹
藏孤館秋景如畫漸別離氣味難禁也
更物象供瀟灑念多材渾衰減一懷幽恨

清真下

四四印齋

難寫追念綺牕人天然自風韻嫺雅竟
夕起相思謾嗟怨遙夜又還將兩袖珠淚沈
吟向寂寥寒燈下玉骨爲多感瘦來無一把

丁香結

詞

蒼蘚冷苔螢粘屋庭樹望秋先墮漸雨
淒風迅澹暮色倍覺園林清潤漢姬統
扇在重吟翫棄擲未忍登山臨水此恨自
古銷磨不盡牽引記試酒歸時映月同看
鴈陣寶幄香纓熏爐象尺夜寒燈暈誰

念留滯故國舊事勞方寸唯丹青相伴
邨更塵昏蠹損

氏州第一

商調

波落寒汀村渡向晚遙看數點帆小亂
葉翻鴉驚風破鴈天角孤雲縹緲宮柳
蕭疎甚尚挂微微殘照景物關情川途
換目頓來催老漸解狂朋歡意少柰猶
被思牽情繞座上琴心機中錦字覺最
縈懷抱也知人懸望久薔薇謝歸來一咲
清真下

五四印齋

欲夢高唐未成眠霜空已曉

解蹀躞

商調

候館丹楓吹盡面旋隨風舞夜寒霜月飛
來伴孤旅還是獨擁秋衾夢餘酒困都
醒滿懷離苦甚情緒深念淩波微步幽
房暗相遇淚珠都作秋宵枕前雨此恨音
驛難通待憑征鴈歸時帶將愁去

少年遊

商調

并刀如水吳鹽勝雪纖手破新橙錦幄初

溫獸烟不斷相對坐調箏 低聲問向誰
行宿城上已三更馬滑霜濃不如休去直
是少人行

慶春宮

越調

雲接平岡山圍寒野路回漸轉孤城衰柳
啼鴉驚風驅鴈動人一片秋聲倦途休駕
澹烟裏微茫見星塵埃顛顛生怕黃昏離
思牽縈 華堂舊日逢迎花艷參差香
霧飄零絃管當頭偏憐嬌鳳夜深簧暖
笙清眼波傳意恨密約恁恁未成許多煩
惱只爲常時一餉留情

阮郎歸

六石

冬衣初染遠山青雙絲雲鴈綾夜寒袖溼
欲成冰都緣珠泪零 情黯黯悶騰騰身
如秋後蠅若教隨馬逐郎行不辭多少程

第二

菖蒲葉老水平沙臨流蘇小家畫闌曲徑
宛秋蛇金英垂露華 燒蜜炬引蓮娃酒

香薰臉霞再來重約日西斜倚門聽暮鷓
點絳唇

孤館迢迢暮天草露霑衣潤夜來秋近
月暈通風信今日原頭黃葉飛成陣知
人悶故來相趁共結臨歧恨

夜遊宮

嚴

葉下斜陽照水捲輕浪沉沉千里橋上酸
風射眸子立多時看黃昏燈火市古
屋寒窸底聽幾片井桐飛墜不戀單衾
清真下
再三起有誰知爲蕭娘書一紙

第二

客去車塵未斂古簾暗雨苔千點月皎風
清在處見柰今宵照初弦吹一箭池曲
河聲轉念歸計眼迷魂亂明日前村更
荒遠且開罇任紅鱗生酒面

訴衷情

商調

堤前亭午未融霜風緊鴈無行重尋舊
日岐路茸帽北遊裝期信杳別離長遠

情傷風翻酒幔寒凝茶烟又是何鄉

傷情怨

林鐘

枝頭風勢漸小看暮鴉飛了又是黃昏閉
門收返照江南人去路縹緲信未通愁已
先到怕見孤燈霜寒催睡早

冬景

紅林擒近

鍾又調

高柳春纔軟凍梅寒更香暮雪助清峭
玉塵散林塘那堪飄風逆冷故遣度幕

清真下

八四印齋

穿窻似欲料理新粧呵手弄絲簧冷落
詞賦客蕭索水雲鄉援毫授簡風流猶
憶東梁望虛簷徐轉迴廊未掃夜長莫
惜空酒觴

第二

風雪驚初霽水鄉增暮寒樹杪墮飛羽
簷牙挂琅玕纔喜門堆巷積可惜迤邐
銷殘漸看低竹翩翻清池漲微瀾步履
晴正好宴席晚方歡梅花耐冷亭亭來入

水盤對前山橫素愁雲變色放盃同覓高
處看

滿路花

仙呂

金花落燼燈銀礫鳴牖雪夜深微漏斷行
人絕風扉不定竹圍琅玕折玉人新聞闕
著甚情恫更當恁地時節無言歌枕
帳底流清血愁如春後絮來相接知他
邨裏爭信人心切除共天公說不成也還
似伊無箇分別

清真下

九四印齋

單題

解語花

高平

元宵

風銷焰螭露浥烘爐花市光相射桂華流
尾纖雲散耿耿素娥欲下衣裳淡雅看
楚女纖腰一把簫鼓喧人影參差滿路飄
香麝因念都城放夜望千門如畫嬉咲
游冶鈿車羅帕相逢處自有暗塵隨馬年
光是也唯只見舊情衰謝清漏移飛蓋歸
來從舞休歌罷

六么令

仙呂

重九

快風收雨亭館清殘燠池光靜橫秋影
岸柳如新休聞道宜城酒美昨日新醅熟
輕鑣相逐衝泥策馬來折東籬半開菊

華堂花艷對列二驚郎目歌韻巧共泉聲
間雜琮瑋玉惆悵周郎已老莫唱當時曲
幽歡難卜明年誰健更把茱萸再三囑

吉了犯

仙呂

新月

霽景對霜蟾乍昇素烟如掃干林夜縞

清真下

十四印齋

徘徊處漸移深窈何人正弄孤影踟躕西
窻悄冒霜冷貂裘玉笋邀雲表共寒光
飲清醪淮左舊遊記送行人歸來山
路窻駐馬望素魄印遙碧金樞小愛秀
色初娟好念漂浮絲絲思遠道料異日宵
征必定還相照柰何人自衰老

大酺

越調

春雨

對宿煙收春禽靜飛雨時鳴高屋牆頭
青玉旆洗鉉霜都盡嫩梢相觸潤逼琴

絲寒侵枕障蟲網吹粘簾竹郵亭無人
處聽簷聲不斷困眠初熟奈愁極頓驚
夢輕難記自怜幽獨行人歸意速最先
念流潦妨車轂怎奈向闌成顛顛衛玠
清羸等閒時易傷心目未恠平陽客雙淚
落笛中哀曲况蕭索青蕪國紅糝鋪地
門外荆桃如寂夜遊共誰秉燭

玉燭新

雙調

早梅

溪源新臘後見數朶江梅剪裁初就暈酥
清真

十四印齋

砌玉芳英嫩故把春心輕漏前村昨夜想
弄月黃昏時候孤岸峭踈影橫斜濃香暗
沾襟袖尊前賦與多才問嶺外風光故
人知否壽陽謾鬪終不似照水一枝清瘦
風嬌雨秀好亂插繁花盈首須信道羌
管無情看看又奏

花犯

小石

梅花

粉牆低梅花照眼依然舊風味露路痕輕
綴疑淨洗鈿華無限佳麗去年勝賞曾

孤倚冰盤同宴喜更可惜雲巾高樹香
篝薰素被今年對花最匆匆相逢似有
恨依依愁頓吟望久青苔上旋看飛墜相
將見脆丸薦酒人正在空江煙浪裏但夢
想一枝瀟灑黃昏斜照水

醜奴兒

大石

梅花

肌膚綽約真仙子來伴冰霜洗盡鉛黃素
面初無一點粧尋花不用持銀燭暗裏
聞香零落地塘分付餘妍與壽陽

清真下

水龍吟

越調

梨花

素肌應怯餘寒艷陽占立青蕪地樊川照
日靈關遮路殘紅斂避傳火樓臺如花風
雨長門深閉亞簾櫳半濕一枝在手偏勾
引黃昏淚別有風前月底布繖英滿園
歌吹朱鈿退盡潘妃却酒昭君乍起雪浪
翻空粉裳縞夜不成春意恨玉容不見瓊
英謾好與何人比

六醜

中呂

落花

正單衣試酒恨客裏光陰虛擲願春暫留
春歸如過翼一去無跡爲問花何在夜來
風雨葬楚宮傾國釵鈿墮處遺香澤亂點
桃蹊輕飜柳陌多情爲誰追惜但蜂媒蝶
使時叩窻牖東園岑寂漸蒙籠暗碧靜
遶珍叢底成嘆息長條故惹行客似牽衣
待話別情無極殘英小強簪巾幘終不似
一朶釵頭顫裊向人歌側漂流處莫趁潮
汐恐斷鴻尚有相思字何由見得

清真下

三四印齋

虞美人

正宮

金閨平帖春雲暖晝漏花前短玉顏酒
解艷紅消一面捧心啼困不成嬌別來
新翠迷行徑窻鏤玲瓏影研綾小字夜
來封斜倚曲闌凝睇數歸鴻

第二

廉纖小雨池塘遍細點看萍面一雙燕子
守朱門比似尋常時候易黃昏宜城
酒泛浮香絮細作更闌語相看羈思亂

如雲又是一牕燈影兩愁人

蘭陵王

越調

柳

柳陰直烟裏絲絲弄碧隋堤上曾見幾番
拂水飄綿送行色登臨望故國誰識京
華倦客長亭路年去歲來應折柔條過
千尺閑尋舊蹤跡又酒趁哀絃燈照離
席梨花榆火催寒食愁一箭風快半篙波
暖回頭迢遞便數驛望人在天北 悽惻
恨堆積漸別浦縈迴津堠岑寂斜陽冉
冉春無極念月榭携手露橋聞笛沉思
前事似夢裏淚暗滴

清真

十四四印齋

蝶戀花

商調

柳

愛日輕明新雪後柳眼星星漸欲穿窻
牖不待長亭傾別酒一枝已入騷人手
淺接藍輕蠟透過盡水霜便與春爭秀
強對青銅簪白首老來風味難依舊

第二

桃萼新香梅落後葉暗藏鴟冉冉垂亭

慵舞因低迷如著酒亂絲偏近遊人手
雨過朦朧斜日透客舍青青特地添明
秀莫話揚鞭回別首渭城荒遠無文舊

第三

蠢春豔黃金初脫後暖日飛綿取次黏牖
不見長條低拂酒贈行應已輸先手 鶯
擲金梭飛不透小榭危樓颯颯添竒秀何
日隋隄縈馬首路長人倦空思舊

第四

清真下

十五四印齋

小閣陰陰人寂後翠幕寒風燭影搖踈
牖夜半霜寒初索酒金刀正在柔荑手
綵薄粉輕光欲透小葉尖新未放雙眉秀
記得長條垂鷓首別離情味還依舊

西河

大石

金陵

佳麗地南朝盛事誰記山圍故國遶清江
髻鬟對起怒濤寂寞打孤城風檣遙度天
際 斷崖樹猶倒倚莫愁艇子曾繫空
餘舊跡鬱蒼蒼霧沉半壘夜深月過女

牆來賞心東望淮水 酒旗戲鼓甚處市
想依稀王謝鄰里燕子不知何世向尋常
巷陌人家相對如說興亡斜陽裏

歸去難

仙呂

期約

佳約人未知背地伊先變惡會稱停事看
深淺如今信我委的論長遠好采無可怨
自合教伊因些事後分散 密意都休待
說先腸斷此恨除非是天相念堅心更守
未死終相見多少閑磨難到得其時知他

清真下

士四 卍齋

做甚頭眼

三部樂

商調

梅雪

浮玉飛瓊向邃館靜軒倍增清絕夜惚垂
練何用交光明月近聞道官閣多梅趁暗
香未遠凍蘂初發倩誰摘取寄贈情人
桃葉 迴紋近傳錦字道爲君瘦損是人
都說祇知染紅着手膠梳粘髮轉思量鎮
長墮睫都只爲情深意切欲報消息無一
句堪愈愁結

菩薩蠻

正平

梅雪

銀河宛轉三千曲浴鳧飛鷺澄波綠何處
是歸舟夕陽江上樓天憎梅浪發故下
封枝雪深院捲簾看應憐江上寒

品令

商調

梅花

夜闌人靜月痕寄梅梢疎影簾外曲角
闌干近舊携手處花發霧寒成陣應
是不禁愁與恨縱相逢難問黛眉曾把春
衫印後期無定斷腸香銷盡

清真下

七四印齋

玉樓春

商調

惆悵

玉琴虛下傷心淚只有文君知曲意簾烘
樓迥月宜人酒煥香融春有味萋萋芳
草迷千里惆悵王孫行未已天涯回首一
銷魂二十四橋歌舞地

黃鸝遶碧樹

雙調

春情

雙闕籠嘉氣寒威日晚歲華將暮小院閑
庭對寒梅照雪淡烟凝素忍當迅景動無
限傷春情緒猶賴是上苑風光漸好芳容

將煦 草莢蘭芽漸吐且尋芳更休思慮
這浮世甚驅馳利祿奔覓塵土縱有魏珠
照察未買得流年住爭如盛飲流霞醉儂
瓊樹

滿路花

簾烘淚雨乾酒壓愁城破水壺防飲渴培
殘火朱消粉褪絕勝新梳裹不是寒宵短
日上三竿帶人猶要同卧 如今多病寂
寞章臺左黃昏風弄雪門深鎖蘭房密
愛萬種思量過也須知有我著甚情悵你
但忘了人呵

清真下

十四印齋

雜賦

綺寮怨

思情

上馬人扶殘醉曉風吹未醒映水曲翠瓦
朱簷垂楊裏乍見津亭當時曾題敗壁
蛛絲罩淡墨苔暈青念去來歲月如流
徘徊久嘆息愁思盈 去去倦尋路程江
陵舊事何曾再問楊瓊舊曲淒清歛愁黛

與誰聽尊前故人如在想念我最關情何
須渭城歌聲未盡處先淚零

拜星月慢

高平

秋思

夜色催更清塵收露小曲幽坊月暗竹檻
燈窻識秋娘庭院笑相遇似覺瓊枝玉樹
暝日明霞光爛水眇蘭情惚平生稀見
畫圖中舊識春風面誰知道自到瑤臺畔
眷戀雨潤雲溫苦驚風吹散念荒寒寄
宿無人館重門閉敗壁秋蟲嘆怎奈向一

清真

十九四印齋

縷相思隔溪山不斷

尉遲盃

大石

離恨

隋堤路漸日晚密靄生深樹陰陰淡月籠
沙還宿河橋深處無情畫舸都不管烟波
隔南浦等行人醉擁重衾載將離恨歸去
因念舊客京華長俛傍疎林小檻歡
聚冶葉倡條俱相識仍慣見珠歌翠舞如
今向漁村水驛夜如歲焚香獨自語有何
人念我無慘夢魂疑想鴛侶

遶佛閣

大石

旅情

暗塵四歛樓觀迥出高映孤館清漏將短
厭聞夜久籤聲動書幔桂華又滿閑步露
草偏愛幽遠花氣清婉望中迤邐城陰度
河岸倦客最蕭索醉倚斜橋穿柳線還
似汴堤虹梁橫水面看浪颭春燈舟下如
箭此行重見嘆故友難逢羈思空亂兩眉
愁向誰舒展

一寸金

小石

江路

清真下

三四印齋

州夾蒼崖下枕江山是城郭望海霞接日
紅翻水面晴風吹草青搖山脚波暝鳧鷺
作沙痕退夜潮正落疎林外一點炊煙渡口
參差正寥廓自歎勞生經年何事京華
信漂泊念渚蒲汀柳空歸閑夢風輪雨檝
終辜前約情景牽心眼流連處利名易薄
回頭謝冶葉倡條便入漁釣樂

蝶戀花

秋思

月皎驚烏栖不定更漏將殘轆轤牽金井

喚起兩眸清炯炯
淚花落枕紅棉冷
執手霜風吹鬢影
去意徊徨別語愁難聽
樓上闌干橫斗柄
露寒人遠雞相應

如夢令

甲四

思情

塵滿一絢文繡
淚濕領巾紅
皺初暝綺羅
輕腰勝武昌官柳
長晝長晝困卧午窻
中酒

第二

門外迢迢行路
誰送郎邊尺素
巷陌雨餘
清真下

王四印齋

風當面濕花飛去
無緒無緒閑處偷垂
玉筯

月中行

怨恨

蜀絲越日染乾紅
微暝面脂融
博山細篆
靄房攏靜看打窻蟲
愁多膽怯疑虛
幕聲不斷暮景踈
鍾團圍四壁小屏風
啼盡夢啼中

浣沙溪

日薄塵飛官路平
眼明喜見汴河傾
地遙

人倦莫兼程 下馬先尋題壁字 出門閑
記勝村名早收燈火夢傾城

第二

貪向津亭擁去車 不辭泥雨濺羅襦 淚多
脂粉了無餘 酒釀未須令客醉 路長終
是少人扶 早教幽夢到葦葦

第三

不爲蕭娘舊約寒 何因容易別長安 預愁
衣上粉痕乾 幽閣深沉燈焰喜 小爐隣

清真一

三四印齋

近酒盃寬爲君門外脫歸鞍

點絳脣

傷感

遼鶴歸來故鄉多少 傷心地寸書不寄魚
浪空千里 憑仗桃根說與 淒涼意愁無
際 舊時衣袂猶有東風淚

少年遊

樓月

簷牙縹緲小倡樓 涼月掛銀鈎 聒席笙歌
透簾燈火 風景似揚州 當時面色欺
春雪 曾伴美人遊 今日重來更無人問

獨自倚欄愁

望江南

詠妓

歌席上無賴是橫波寶髻玲瓏歌玉鸞
繡巾柔膩掩香羅人好自宜多無箇事
因甚歛雙蛾淺淡梳粧疑見畫惺鬆言
語勝聞歌何況會婆娑

意難忘

中呂

美詠

衣染鴛黃愛停歌駐拍勸酒持觴低鬟
蟬影動私語口脂香簷露滴竹風涼拚劇

清真下

三三四印齋

飲淋浪夜漸深籠燈就月子細端相知
音見說無雙解移宮換羽未怕周郎長
顰知有恨貪耍不成粧此箇事惱人腸試
說與何妨又恐伊尋消問息瘦減容光

迎春樂

携妓

人人花艷明春柳憶筵上偷携手趁歌停
舞罷來相就醒醒箇無些酒比目香囊
新刺繡連隔座一時薰透爲甚月中歸
長是他隨車後

定風波

商調

美情

莫倚能歌歛黛眉此歌能有幾人知他日
相逢花月底重理好聲須記得來時 苦
恨城頭更漏永無情豈解惜分飛休訴金
尊推玉臂從醉明朝有酒遣誰持

紅羅襖

大石

秋悲

畫燭尋歡去羸馬載愁歸念取酒東壚鐫
疊雖近採花南圃蜂蝶須知 自分袂天

闊鴻稀空懷夢約心期楚客憶江離筭

清真下

玉四印齋

宋玉未必爲秋悲

玉樓春

當時携手城東道月墮簷牙人睡了酒邊
誰使客愁驚帳底不教春夢到 別來
人事如秋草應有吳霜侵翠葆夕陽深
鏢綠苔門一任盧郎愁裏老

第二

大堤花艷驚郎目秀色穠華看不足休
將寶瑟寫幽懷坐上有人能顧曲 平

波落照涵潁玉畫舸亭亭浮澹綠臨分
何以祝深情只有別離三萬斛

第三

玉奩收起新粧了鬢畔斜枝紅裊裊淺
頰輕笑百般宜試著春衫猶更好裁金
簇翠天機巧不稱野人簪破帽滿頭聊插
片時狂頓減十年塵土貌

第四

桃溪不作從容住秋藕絕來無續處當時

清真下

三五四印齋

相候赤欄橋今日獨尋黃葉路煙中列
岫青無數鴈背夕陽紅欲暮人如風後入
江雲情似雨餘黏地絮

夜飛鵲

留宮

別情

河橋送人處涼夜何其斜月遠墮餘輝銅
盤燭淚已流盡霏霏涼露沾衣相將散
離會探風前津鼓樹杪參旗華驄會意
縱揚鞭亦自行遲迢迢路回清野人語
漸無聞空帶愁歸何意重紅滿地遺鈿不

見斜迳都迷兔葵蕪麥向殘陽欲與人齊
但徘徊班草歛歡酌酒極望天西

早梅芳

別恨

花竹深房櫳好夜闌無人到隔牕寒兩向
壁孤燈弄餘照淚多羅袖重意密鶯聲小
正魂驚夢怯門外已知曉去難留話未
了早促登長道風披宿霧露洗初陽射林
表亂愁迷遠覽苦語縈懷抱謾回頭更
堪歸路杳

清真下

二六四 卯齋

第二

牽情

繡牆深叢竹繞宴席臨清沼微呈纖履故
隱烘簾自嬉笑粉香粧暈薄帶緊腰圍
小看鴻鶯鳳翥滿座嘆輕妙酒醒時
會散了回首城南道河陰高轉露腳斜飛
夜將曉異鄉淹歲月醉眼迷登眺路迢迢
恨滿千里草

鳳來朝

越調

佳人

逗曉看嬌面小窻深弄明未遍愛殘朱宿

粉雲鬟亂最好是帳中見說夢雙蛾微
斂錦衾溫酒香未斷待起難捨拚任日炙
益欄暝

芳草渡

別恨

昨夜裏又再宿桃源醉邀仙侶聽碧牕風
快珠簾半卷踈雨多少離恨苦方留連啼
訴鳳帳曉又是匆匆獨自歸去愁靚滿
懷淚粉瘦馬衝泥尋去路謾回首煙迷望
眼依稀見朱戶似癡似醉暗損凭闌情
緒澹暮色看盡栖鴉亂舞

清真

三十四印齋

感皇恩



標韻

露柳好風標嬌鶯能語獨占春光最多處
淺顰輕笑未肯等閒分付爲誰心子裏長
長苦洞房見說雲深無路憑仗青鸞道
情素酒空歌斷又被濤江催去怎柰向言
不盡愁無數

虞美人

燈前欲去仍留戀腸斷朱扉遠未須紅雨

洗香腮待得薔薇花謝便歸來 舞腰歌
版閑時按一任傍人看金爐應見舊殘煤莫
使恩情容易似寒灰

第二

踈籬曲徑田家小雲樹開清曉天寒山色
有無中野外一聲鍾起送孤蓬 添衣策
馬尋亭堠愁抱惟宜酒菰蒲睡鴨占陂
塘縱被行人驚散又成雙

第三

清真下

三四印齋

玉觴纔掩朱絃悄彈指壺天曉回頭猶認
倚牆花只向小橋南畔便天涯 銀蟾依
舊當牕滿顧影魂先斷淒風休颭半殘燈
擬倩今宵歸夢到雲屏

隆慶庚午用復所司李藏元人巾箱
本命胥魯頌照錄訖盟鷗園主人記

清真集卷下終



文章政事初非兩途學之優者發而爲政
必有可觀政有其暇則游藝於詠歌者必
其才有餘刃者也溧水爲負山之邑官賦
浩穰民訟紛沓似不可以絃歌爲政而待
制周公元祐癸酉春中爲邑長於斯其政
敬簡民到於今稱之者固有餘愛而其尤
可稱者於撥煩治劇之中不妨舒嘯一觴
一詠句中有眼膾炙人口者又有餘聲洋
洋乎在耳則其政有不亡者存余慕周公

序

一四印齋

之才名有年於茲不謂於八十餘載之後
踵公舊蹤既喜而且媿故自到任以來訪
其政事於所治後圃得其遺致有亭曰姑
射有堂曰蕭閒皆取神仙中事揭而名之
可以想像其襟抱之不凡而又覩新綠之
池隔浦之蓮依然在目又思公之詞其撫
寫物態曲盡其妙方思有以發揚其聲之
不可忘者而未能及乎暇日從容式燕嘉
賓歌者在 upper 果以公之詞爲首唱夫然後

知邑人愛其詞乃所以不忘其政也余欲
廣邑人愛之之意故哀公之詞旁搜遠紹
僅得百八十有二章釐爲上下卷乃輟俸
餘鳩工鋟木以壽其傳非惟慰邑人思亦
蘄傳之有所託俾人聲其歌者足以知其
才之優於爲邑如此故冠之以序而述之
其意云公諱邦彥字美成錢塘人也淳熙
歲在上章困敦孟陬月圍赤奮若晉陽強

煥序

序

辭不輕措辭之工也閱辭必詳其所措工於閱者也措之非輕而閱之非詳工於閱而不工於措胥失矣亦奚胥望焉是知雌霓之誦方脫諸口而見謂知音白題八滑之事既陳而當世之疑已釋楛矢萍實者非推其所從則是物也棄物耳誰歟能知觸物而不明其原覩事而莫徵所自與冥行何別故曰無張華之博則孰知五色之珍乏雷煥之識則孰辨衝斗之靈況措詞

序

一四印齋

之工豈不有待於閱者之箋釋耶周美成以旁搜遠紹之才寄情長短句縝密典麗流風可仰其徵辭引類推古誇今或借字用意言々皆有來歷真足冠冕詞林歡筵歌席率知崇愛知其故實者幾何人斯殆猶屬目于霧中花雲中月維意其美而皎然識其所以美則未也漳江陳少章家世以學問文章爲廬陵望族涵泳經籍之暇閱其辭病舊註之簡略遂詳而疏之俾歌

之者究其事遠其意則美成之美益彰猶
獲崑山之片珍珠其質而彰其文豈不快
夫人之心目也因命之曰片玉集云廬陵
劉肅必欽序

序

清真集外詞目錄

玉團兒

采桑子 二

感皇恩

蝶戀花 五

減字木蘭花

木蘭花令

驀山溪 七

青玉案

目錄

一剪梅

水調歌頭

南柯子 三

關河令

鵲橋仙令

花心動

雙頭蓮

長相思 四

夫有

萬里春

鶴冲天二

西河

瑞鶴仙

浪濤沙慢

南鄉子四

浣溪沙慢

夜遊宮

訴衷情

目錄

虞美人

粉蝶兒慢

紅窻迥

念奴嬌

鬢雲鬆令

燕歸梁

南浦

醉落魄

留客住

長相思傷

看花廻亡

月下笛

目錄

三四印齋

長相思

看花廻

月下笛

清真集外詞

玉團兒

鈿華淡竚新粧束好風韻天然異俗彼此
知名雖然初見情分先熟 鑪煙淡淡雲
屏曲睡半醒生香透肉賴得相逢若還虛
過生世不足

采桑子

南枝度牘開全少疎影當軒一種宜寒自
共清蟾別有緣 江南風味依然在玉貌
韶顏今夜凭欄不似釵頭子細看

集外詞

一四印齋

第二

香梅開後風傳信繡戶先知霧濕羅衣冷
艷須攀最遠枝 高歌羌管吹遙夜看
即分披已恨來遲不見娉婷帶雪時

感皇恩

小閣倚晴空數聲鐘定斗柄垂寒暮天
靜朝來殘酒又被春風吹醒眼前猶認
得當時景 往事舊歡不堪重省自嘆

多愁更多病綺牕依舊敲遍闌干誰應
斷腸明月下梅搖影

蝶戀花

魚尾霞生明遠樹翠壁黏天玉葉迎風舉
一笑相逢蓬海路人閒風月如塵土 剪
水雙眸雲鬢吐醉倒天風笑語生青霧
此會未闌須記取桃花幾度吹紅雨

第二

美盼低迷情宛轉愛雨冷雲漸覺寬金

集外詞

二四卅齋

釧桃李香苞秋不展深心黯黯誰能見
宋玉牆高纔一覘絮亂絲絲苦隔春風面
歌版未終風色便夢爲蝴蝶留芳甸

第三

晚步芳塘新霽後春意潛來迤邐通牕
牖午睡漸多濃似酒韶華已入東君手
嫩綠輕黃成染透燭下工夫洩漏章臺秀
擬插芳條須滿首管交風味還勝舊

第四

葉底尋花春欲暮折遍柔枝滿手真珠
露不見舊人空舊處對花惹起愁無數
却倚欄干吹柳絮粉蝶多情飛上釵頭
住若遣郎身如蝶羽芳時爭肯拋人去

第五

酒熟微紅生眼尾半額龍香丹、飄衣袂
雲壓寶釵撩不起黃金心字雙垂耳愁
入眉痕添秀美無限柔情分付西流水忽
被驚風吹別淚只應天也知人意

集外詞

三四印齋

減字木蘭花

風鬟霧鬢便覺蓬萊三島近水秀山明
縹緲仙姿畫不成廣寒丹桂豈是天桃
塵俗世只恐棄風飛上瓊樓玉宇中

木蘭花令

歌時宛轉饒風措鶯語清圓啼玉樹斷腸
歸去月三更薄酒醒來愁萬緒孤燈翳
翳昏如霧枕上依稀聞笑語惡嫌春夢
不分明忘了與伊相見處

驀山溪

樓前踈柳柳外無窮路翠色四天垂數峯
青高城闊處江湖病眼偏向此山明愁無
語空疑竚兩兩昏鴉去平康巷陌往事
如花雨十載却歸來倦追尋酒旗戲鼓今
宵幸有人似月嬋娟霞袖舉盃深注一曲
黃金縷

第二

江天雪意夜色寒成陣翠袖捧金蕉酒紅

集外詞

四四印齋

潮香凝沁粉簾波不動新月淡籠明香
破豆燭頻花減字歌聲穩恨眉羞歛往
事休重問人去小庭空有梅梢一枝春信
檀心未展誰爲探芳釵消瘦盡洗粧勻
應更添風韻

青玉案

良夜燈光簇如豆占好事今宵有酒罷歌
闌人散後琵琶輕放語聲低顫滅燭來相
就玉軀偎人情何厚輕惜輕怜轉唧啣

雨散雲收眉兒皺只愁彰露那人知後把
我來傷憊

一剪梅

一剪梅花萬樣嬌斜插疎枝略點眉梢輕
盈微笑舞低回何事樽前拍手誤招夜
漸寒深酒漸消袖裏時聞玉釧輕敲城頭
誰恁促殘更銀漏何如且慢明朝

水調歌頭 中秋寄李伯紀大觀文

今夕月華滿銀漢瀉秋寒風纏霧捲死轉

集外詞

五四印齋

天陞玉樓寬應是金華仙子又喜今年藥
就□□□□收拾山河影都向鏡中蟠

橫霜竹吹明月到中天要令四海遙望

千古此輪安何處今年無月唯有謫仙著
語高絕真能攀我故喚公起雲海路漫漫

南柯子

寶合分時菓金盤弄賜冰曉來階下按新
聲恰有一方明月可中庭 露下天如水
風來夜氣清嬌羞不肯傍人行颺下扇

兒拍手引流螢

第二

膩頸凝酥白輕衫淡粉紅碧油涼氣透簾
攏指點庭花低映雲母屏風恨逐瑤琴
寫書勞玉指封等閒贏得瘦儀容何事
不教雲雨略下巫峰

第三 詠梳兒

桂魄分餘暈檀槽破紫心曉粧初試鬢雲
侵每被蘭膏香染色深沉指印纖纖粉

集外詞

六四印齋

釵橫隱隱金有時雲雨鳳幃深長是枕
前不見婦人尋

關河令

秋陰時晴漸向暝變一庭淒冷佇聽寒聲
雲深無鴈影更深人去寂靜但照壁孤
燈相映酒已都醒如何消夜永

鵲橋仙令

浮花浪蘂人間無數開遍朱朱白白瑤池
一朶玉芙蓉秋露洗丹砂真色晚涼拜

月六銖衣動應被姮娥認得飄然欲上廣
寒宮橫玉度一聲天碧

花心動

簾捲青樓東風滿楊花亂飄晴晝蘭袂
褪香羅帳寒紅繡枕旋移相就海棠花謝
春融暝倦人恁嬌波頻溜象床穩鴛衾謾
展浪翻紅綺一夜情濃似酒香汗漬鮫
綃幾番微透鸞困鳳慵姪姪雙眼盡也
盡應難就問伊可煞於人厚梅萼露路臙
脂檀口從此後纖腰爲郎管瘦

集外詞

七四印齋

雙頭蓮

一抹殘霞幾行新鴈天染斷紅雲迷陣影
隱約望中點破晚空澄碧助秋色門掩西
風橋橫斜照青翼未來濃塵自起咫尺鳳
幃合有人相識歎乖隔知甚時恣與同
携芳歡適度曲傳觴並鞦韆飛轡綺陌畫堂
連夕樓頭千里帳底三更盡堪淚滴怎生
向恁無聊但只聽消息

長相思

舉離觴掩洞房
箭水泠泠刻漏長
愁中看曉光
整羅裳
脂粉香
見掃門前車上
霜
相持泣路傍

第二

馬如飛歸未歸
誰在河橋見別離
修楊委地垂
掩面啼人恁
知桃李成陰
鸞喙兒閑行春盡時

第三

集外詞

好風浮晚雨
收林葉陰陰
映鷁舟斜陽明
倚樓黯凝眸
憶舊遊
艇子扁舟來莫愁
石城風浪秋

第四

沙棠舟小棹遊池
水澄澄
人影浮錦鱗
遲上鉤
煙雲愁
簫鼓休
再得來時已變秋
欲歸須少留

大有

仙骨清羸沈腰顛
顛見傍人驚怪消瘦

柳無言雙眉盡日齊鬪都緣薄倖賦情
淺許多時不成歡偶幸自也捺由他何須
負這心口令人恨行坐呪斷了更思量
沒心永守前日相逢又早見伊仍舊却更
被温存後都忘了當時憊憊便搗撮九
百身心依前待有

萬里春

千紅萬翠簇定清明天氣爲憐他種種
清香好難爲不醉我愛深如你我心在
個人心裏便相看老却春風莫無些歡意

集外詞

九四印齋

鶴冲天 漂水長壽鄉作

梅雨霽暑風和高柳亂蟬多小園臺榭
遠池波魚戲動新荷薄紗厨輕羽扇枕
冷簟涼深院此時情緒此時天無事小
神仙

第二

白角簾碧紗厨梅雨乍晴初謝家池畔
正晴虛香散嫩芙蓉日流金風解暈

一弄素琴歌舞慢搖紈扇訴花牋吟待
晚涼天

西河

長安道瀟灑西風時起塵埃車馬晚遊行
霸陵煙水亂鴉棲鳥夕陽中參差霜樹相
倚到此際愁如葦冷落關河千里追思
唐漢昔繁華斷碑殘記未央宮闕已成
灰終南依舊舊濃翠對此景無限愁思遶
天涯秋蟾如水轉使客情如醉想當時萬
古雄名盡作往來人淒涼事

集外詞

十四印齋

瑞鶴仙

暝煙籠細柳弄萬縷千絲年年春色晴風
蕩無際濃於酒偏醉情人詞客闌干倚處
度花香微散酒力對重門半掩黃昏淡月
院宇深寂愁極因思前事洞房佳晏正
值寒食尋芳遍賞金谷里銅陌陌到而
今魚鴈沉沉無信息天涯常是淚滴早歸
來雲館深處邨人正憶

浪濤沙漫

萬葉戰秋聲露結鴈度砂磧細草和烟尚
綠遙山向晚更碧見隱隱雲邊新月白映
落照簾幕千家聽數聲何處倚樓笛裝
點盡秋色 脉脉旅情暗自消釋念珠玉
臨水猶悲感何況天涯客憶少年歌酒當
時蹤跡歲華易老衣帶寬懊惱心腸終
窄飛散後風流人阻藍橋約悵恨路隔
馬蹄過猶嘶舊巷陌歎往事一堪傷曠

集外詞

十四印齋

望極凝思又把闌干拍

南鄉子

秋氣遶城闌暮角寒鴉未掩門記得佳人
衝雨別吟分別緒多於雨後雲 小棹碧
溪津恰似江南第一春應是採蓮開伴侶
相尋收取蓮心與舊人

第二

寒夜夢初醒行盡江南萬里程早是愁來
無會處時聽敗葉相傳細雨聲 書信也

無憑萬事由他別後情誰信歸來須及早
長亭短帽輕衫走馬迎

第三

戶外井桐飄淡月踈星共寂寥恐怕霜寒
初索被中宵已覺秋聲引鴈高 羅帶束
纖腰自剪燈花試彩毫收起一封江北信
明朝爲問江頭早晚潮

第四

輕軟舞時腰初學吹笙苦未調誰遣有情

集外詞

三四印齋

知事早相撩暗舉羅巾遠見招 癡駭一團
嬌自折長條撥燕巢不道有人潛看着從
教掉下鬟心與鳳翹

浣溪沙慢

水竹舊院落櫻筍新蔬果嫩英翠幄紅
杏交榴火心事暗卜葉底尋雙朶深夜歸
青瑣燈盡酒醒時曉牕明釵橫鬢鬢驪
怎生那被間阻時多柰愁腸數疊幽恨萬
端好夢還驚破可怪近來傳語也無箇

莫是瞋人呵真個若瞋人却因何逢人問我

夜遊宮

一陣斜風橫雨薄衣潤新添金縷不謝鉉
華更清素倚筠窻弄么絃嬌欲語小閣
橫香霧正年少小娥愁緒真是栽花被花
妬甚春來病懨懨無會處

訴衷情

當時選舞萬人長玉帶小排方喧傳京國
聲價年少最無量花閣迥酒筵香想難
忘而今何事佯向人前不認周郎

虞美人

淡雲籠月松溪路長記分携處夢裏連
夜遶松溪此夜相逢恰似夢中時海山
陡覺風光好莫惜金罇倒柳花吹雪燕
飛忙生怕扁舟歸去斷人腸

粉蝶兒慢

宿霧藏春餘寒帶雨占得羣芳開晚艷
口初弄秀倚東風嬌嬾隔葉黃鸝傳好音

喚入深叢中探數枝新比昨朝又早經稀
香淺 眷戀重來倚檻當韶華未可輕
辜雙眼賞心隨分樂有清尊檀板每歲嬉
遊能幾日莫使一聲歌欠忍因循片花飛
又成春減

紅窻迥

幾日來真個醉不知道窻外亂紅已深半
指花影被風搖碎擁春醒乍起有個人
人生得齊楚來向耳畔問道今朝醒未情
性兒慢騰地惱得人又醉

集外詞

十四四印齋

念奴嬌

醉魂乍醒聽一聲啼鳥幽齋岑寂淡日朦
朧初破曉滿眼嬌情天色最惜香梅凌寒
偷綻漏泄春消息池塘芳草又還淑景催
逼 因念舊日芳菲桃花永巷恰似初相
識在弄時光因慣却覓雨尋雲蹤跡奈有
離拆瑤臺月下回首頻思憶重愁疊恨萬
般都在留臆

鬢雲鬆令 送傅國華奉使三韓

鬢雲鬆眉葉聚一闌離歌不爲行人駐
檀板停時君看取數尺鮫綃半是梨花雨
鷺飛遙天尺五鳳閣鸞坡看即飛騰去
今夜長亭臨別處斷梗飛雲盡是傷情緒

燕歸梁 詠晚

簾底新霜一夜濃短燭散飛蟲曾經洛浦
見驚鴻關山隔夢魂通 明星晃晃津回
路轉榆影步花驄欲攀雲駕倩西風吹

集外詞

十五四印齋

清血寄玲瓏

南浦

淺帶一帆風向晚來扁舟穩下南浦迢遞
阻瀟湘衡阜迥斜艤蕙蘭汀渚危檣影
裏斷雲點點遙天暮菡萏裏風偷送清
香時時微度 吾家舊有簪纓甚頓作
天涯經歲羈旅羌管怎知情煙波上黃
昏萬斛愁緒無言對月皓彩千里人何
處恨無鳳翼身只待而今飛將歸去

醉落魄

葦金細弱秋風嫩桂花初著藥珠宮裏人
難學花染嬌美羞羞映翠雲幄清香不
與蘭蓀約一枝雲鬢巧梳掠夜涼輕撼
薔薇萼香滿衣襟月在鳳凰閣

留客住

嗟烏兔正茫茫相催無定只恁東生西沒
半均寒暑昨見花紅柳綠處林茂又觀
霜前籬畔菊散餘香看看又還秋暮

集外詞

十六四印齋

忍思慮念古往賢愚終歸何處爭似高
堂日夜笙歌齊舉選甚連宵徹晝再三
留住待擬沉醉扶上馬恁生向主人未肯
交去

長相思

夜色澄明天街如水風力微冷簾旌幽期
再偶坐久相看纔喜欲歎還驚醉眼重
醒映雕欄脩竹共數流螢細語輕盈儘銀
臺挂蠟潛聽自初識伊來便惜妖嬈艷

質美眄柔情桃溪換世鸞馭凌空有願須
成遊絲蕩漾任輕狂相逐牽縈但連環
不解難負深盟

看花迴

秀色芳容明眸就中竒絕細看艷波欲溜
最可惜微重紅銷輕帖勻朱傅粉幾爲嚴
粧時沈睫因個甚底死嗔人半餉斜眄費
貼熨斗帳裏濃懽意愜帶困時似開
微合曾倚高樓望遠自笑拍頻睂知他
誰說邨日分飛淚雨縱橫光映頰搵香羅
恐揉損與他衫袖裏

第二

蕙風初散輕暎霽景澄潔秀藥乍開乍
斂帶雨態煙痕春思紆結危絃弄響春來
去驚人鶯語滑無賴處麗日樓臺亂絲
岐路恣竒絕何計解黏花繫月歎冷落
頓辜佳節猶有當時氣味挂一縷相思不
斷如髮雲飛帝國人在雲邊心暗折語東

風共流轉謾作匆匆別

月下笛

小雨收塵涼蟾瑩徹水光浮壁誰知怨抑
靜倚官橋吹笛映宮牆風葉亂飛品高調
側人未識想開元舊譜柯亭遺韻盡傳
曾臆闌干四遶聽折柳徘徊數聲終拍
寒燈陋館最感平陽孤客沉鴈啼正哀
片雲盡卷清漏滴黯凝鳧但覺龍吟萬
壑天籟息

集外詞

十八四印齋

清真集外詞終

蕪州李樹屏髯校

右影元巾箱本清真集二卷附集外詞一卷
卷察美成詞傳世者以汲古毛氏片玉詞
爲最著近仁和丁氏西泠詞萃所刻即汲
古本此本二卷百二十七闕爲余家所藏
未有盟鷗主人誌語蓋明鈔元本也編次
體例與片玉詞迥別而調名字句亦多不
同陳振孫書錄解題云清真集二卷後集
一卷又毛子晉片玉詞跋美成詞一名清
真集一名美成長短句皆不滿百闕與此
均不合久欲刊行以舊鈔剝蝕過甚無本
可校而止去年從孫駕航京兆文假得元
刻廬陵陳元龍片玉詞注本編次體例與
鈔本正同特分卷與題號異耳爰據陳注
校訂依式影寫付諸手民其集中所無而
見於毛刻者共五十四闕爲集外詞一卷
附後毛本強序陳注劉序鈔本不載今皆
補入美成集又名片玉詞據序即劉必欽
改題也光緒丙申春三月十有三日臨桂

王鵬運鷺翁記

三四印齋



